

## ՀԱՇՎԵՏՎՈՒԹՅՈՒՆ

ՀՀ ԱՐԴԱՐԱԴԱՏՈՒԹՅԱՆ ՆԱԽԱՐԱՐ ԱՐՏԱԿ ԶԵՅՆԱԼՅԱՆԻՆ (Ս.Թ. ՀՈՒՆԻՍԻ 17-ԻՑ 19-Ը ՓԱՐԻՉ ԵՎ Ս.Թ. ՀՈՒՆԻՍԻ 19-ԻՑ 20-Ը ՍՏՐԱՍԲՈՒՐԳ) ԵՎ ՀՀ ԱՐԴԱՐԱԴԱՏՈՒԹՅԱՆ ՆԱԽԱՐԱՐԻ ՏԵՂԱԿԱԼ ԱՐՏԱԿ ԱՍԱՏՐՅԱՆԻՆ (Ս.Թ. ՀՈՒՆԻՍԻ 19-ԻՑ 21-Ը ՍՏՐԱՍԲՈՒՐԳ) ՖՐԱՆՍԻԱՅԻ ՀԱՆՐԱՊԵՏՈՒԹՅՈՒՆ ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՎԵՐԱԲԵՐՅԱԼ

**Գործուղված պաշտոնատար անձինք՝** Արտակ Զեյնալյան, Արտակ Ասատրյան:

**Գործուղվող անձի զբաղեցրած պաշտոնները՝** ՀՀ արդարադատության նախարար, ՀՀ արդարադատության նախարարի տեղակալ:

**Գործուղման վայրը և ժամկետները՝** Ֆրանսիայի Հանրապետություն ս.թ. հունիսի 17-ից 21-ը:

**Հրավիրող կողմը՝** Եվրոպայի խորհրդում Հայաստանի Հանրապետության ներկայացուցչություն:

**Գործուղման նպատակը՝** Եվրոպայի խորհրդի գլխավոր քարտուղարի տեղակալ Գաբրիելա Բատահինի-Դրագոնիի, Մարդու իրավունքների եվրոպական դատարանի նախագահ Գուիդո Ռայմոնդիի և ԵԽ մարդու իրավունքների և օրենքի գերակայության տնօրինության ղեկավար Քրիստոս Զիակոմոպուլոսի հետ աշխատանքային հանդիպումներ ունենալը:

**Քննարկված թեմաները՝** Եվրոպայի խորհրդի աջակցությամբ իրականացվող ՀՀ արդարադատության նախարարության իրավասությանն առնչվող ծրագրերին, ՄԻԵԴ կողմից Հայաստանի Հանրապետության վերաբերյալ կայացված վճիռներին և դրանց կատարման ընթացքին, Հայաստանում մարդու իրավունքների պաշտպանության, քրեակատարողական, պրոբացիայի և դատաիրավական ոլորտներում ընթացող բարեփոխումներին առնչվող հարցեր:

**Հանդիպումները, ելույթները, բարձրացված կամ քննարկված հարցերը՝**

ՀՀ արդարադատության նախարար Արտակ Զեյնալյանը ս.թ. հունիսի 17-ից 20-ը աշխատանքային այցով մեկնել է Ֆրանսիայի Հանրապետություն (ս.թ. հունիսի 17-ից 19-ը

Փարիզ և ս.թ. հունիսի 19-ից 20-ը Ստրասբուրգ), իսկ ՀՀ արդարադատության նախարարի տեղակալ Արտակ Ասատրյանը՝ 2018թ. հունիսի 19-ից 21-ը Ստրասբուրգ:

Ֆրանսիայի Հանրապետությունում գտնվելու ընթացքում ՀՀ արդարադատության նախարար Արտակ Ջեյնալյանն աշխատանքային հանդիպում է ունեցել Եվրոպայի խորհրդի գլխավոր քարտուղարի տեղակալ Գաբրիելա Բատաինի-Դրագոնիին: Հանդիպման ընթացքում նախարար Ջեյնալյանը նշել է, որ ՀՀ կառավարությունը բարձր է գնահատում արդարադատության, մարդու իրավունքների պաշտպանության, կոռուպցիայի դեմ պայքարի, քրեակատարողական համակարգի բարեփոխումների ոլորտում Եվրոպայի խորհրդի հետ ձևավորված արդյունավետ համագործակցությունը և ընդգծել, որ Կառավարությունը պատրաստակամ է շարունակելու իրագործել Եվրոպայի խորհրդի առջև ստանձնած պարտավորությունները: Հանդիպման ընթացքում զրուցակիցներն անդրադարձել են ամփոփման փուլում գտնվող 2015-2018թթ. ԵԽ-Հայաստան Գործողությունների ծրագրին, 2019-2022 թվականների Գործողությունների ծրագրի ոլորտային առաջնահերթություններին, ինչպես նաև կոռուպցիայի դեմ պայքարին ուղղված աշխատանքներին:

Արտակ Ջեյնալյանն շեշտել է հնարավորինս կարճ ժամկետներում արտահերթ խորհրդարանական ընտրություններ անցկացնելու անհրաժեշտությունը՝ նշելով, որ այն պետք է հիմնված լինի ընտրական օրենսգրքի և ընտրական համակարգի էական բարեփոխումների վրա՝ այդ համատեքստում կարևորելով Եվրոպայի խորհրդի աջակցությունը ՀՀ-ում ժողովրդավար, արդար և թափանցիկ ընտրություններ անցկացնելու գործում:

ՀՀ արդարադատության նախարար Արտակ Ջեյնալյանի և Մարդու իրավունքների եվրոպական դատարանի նախագահ Գուլիդո Ռայմոնդիի, ԵԽ մարդու իրավունքների և օրենքի գերակայության տնօրինության ղեկավար Քրիստոս Զիակումոպուլոսի և ԵԽ ժողովրդավարության գլխավոր տնօրեն Սնեժանա Սամարջիչ-Մարկովիչի միջև կայանալիք հանդիպումներին մասնակցել է նաև ՀՀ արդարադատության նախարարի տեղակալ Արտակ Ասատրյանը:

Մարդու իրավունքների եվրոպական դատարանի նախագահ Գուիդո Ռայմոնդիի հանդիպման ընթացքում կողմերն անդրադարձել են ՄԻԵԴ կողմից Հայաստանի Հանրապետության վերաբերյալ կայացված վճիռներին և դրանց կատարման ընթացքին: Երկուստեք ընդգծվել է, որ Եվրոպայի խորհրդի համապատասխան կառույցների հետ ակտիվ համագործակցության արդյունքում ունեցած ձեռքբերումներն ակնհայտ են:

Եւս Մարդու իրավունքների և իրավունքի գերակայության գլխավոր տնօրեն Քրիստոս Զիակունոպուլոսի, ինչպես նաև Եւս ժողովրդավարության գլխավոր տնօրեն Սնեժանա Սամարջիչ-Մարկովիչի հետ քննարկումները ծավալվել են Հայաստանում մարդու իրավունքների պաշտպանության, քրեակատարողական, պրոբացիայի և դատաիրավական ոլորտներում ընթացող բարեփոխումների շուրջ:

**ՀՀ ԱՐԴԱՐԱԴԱՏՈՒԹՅԱՆ ՆԱԽԱՐԱՐ**

**ԱՐՏԱԿ ԶԵՅՆԱԼՅԱՆ**